

BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA



BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR

SEKTOR ZA MATERIJALNE POSLOVE I PODRŠKU

Broj: 05-05/01-11-284/26

Datum: 16.03.2026. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 24. Zakona o unutrašnjim poslovima Unsko-sanskog kantona („Službeni glasnik USK“, broj 13/16, 16/17 i 08/24), a na Preporuku o izboru najpovoljnijeg ponuđača Komisije za nabavke broj: 05-01/01-11-284/26 od 11.03.2026. godine, u postupku javne nabavke roba – Sukcesivna nabavka higijenskog i potrošnog materijala za 2026. godinu, Ministar Ministarstva unutrašnjih poslova Unsko-sanskog kantona **d o n o s i**

ODLUKU
o izboru najpovoljnijeg ponuđača

Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 05-01/01-11-284/26 od 11.03.2026. godine za javnu nabavku roba – Sukcesivna nabavka higijenskog i potrošnog materijala za potrebe Ministarstva unutrašnjih poslova USK za 2026. godinu.

Ugovor se dodjeljuje ponuđaču „DEFTER“ d.o.o. Sarajevo, za ponuđenu cijenu u iznosu od 34.862,60 KM bez uračunatog poreza na dodanu vrijednost, PDV u iznosu 5.926,64 i ukupnu cijenu sa PDV-om 40.789,24 KM

Član 2.

Izabrani ponuđač će dostaviti dokumenta iz člana 45. Zakona o javnim nabavkama BiH („Službeni glasnik BiH“ broj 39/14, 59/22 i 50/24) u roku od 5 dana od dana prijema Odluke o izboru najpovoljnijeg ponuđača.

Član 3.

Prijedlog ugovora o nabavci dostavit će se na potpis izabranom ponuđaču „DEFTER“ d.o.o. Sarajevo po protoku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 4.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Član 5.

Ova Odluka će se objaviti na web stranici mupusk@mupusk.gov.ba.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 05-05/01-11-284/24 od 12.02.2026. godine.

Javna nabavka je provedena putem otvorenog postupka.

Procijenjena vrijednost javne nabavke bez uračunatog PDV-a iznosi do 35.000,00 KM.

Obavještenje o nabavci broj: 709-1-1-9-3-11/26 objavljeno je na Portalu javnih nabavki dana 16.02.2026. godine, a sažetak Obavještenja o nabavci objavljen je u „Službenom glasniku BiH“, broj 16 od 27.02.2026. godine.

Komisija za nabavke imenovana je Rješenjem broj: 05-01-11-1695/25/AB od 30.09.2025. godine i broj: 05-01-11-1695/25/AB od 09.01.2026. godine.

Komisija za nabavke dostavila je dana 11.03.2026. godine Zapisnik o zaprimanju ponuda broj: 05-01/01-11-284/26 od 10.03.2026. godine, Zapisnik sa otvaranja ponuda broj: 05-01/01-11-284/26 od 10.03.2026. godine, Zapisnik o ocjeni ponuda broj: 05-01/01-11-284/26 od 10.03.2026. godine i Preporuku o izboru najpovoljnijeg ponuđača broj: 05-01/01-11-284/26 od 11.03.2026. godine, u postupku javne nabavke roba - Sukcesivna nabavka higijenskog i potrošnog materijala za potrebe MUP USK za 2026. godinu.

Krajnji rok za prijem ponuda bio je 10.03.2026. godine do 12,00 sati.

Komisija je dana 10.03.2026. godine u 12:20 sati u Bihaću preuzela iz Pisarnice MUP USK pristigle ponude i istog dana izvršila otvaranje ponuda.

PODACI O PRISTIGLIM PONUDAMA

- da je ukupan broj pristiglih ponuda 2;
- da su blagovremeno zaprimljene 2 ponude;
- da je neblagovremeno zaprimljeno 0 ponuda;
- da je ponuda ponuđača „DEFTER“ d.o.o. Sarajevo prihvatljiva;
- da je ponuda ponuđača „NEDIX PROM“ d.o.o Srebrenik neprihvatljiva ponuda.

U postupku po Zapisniku sa otvaranja ponuda, utvrđeno je da je Komisija za nabavke u roku, blagovremeno i pravilno izvršila otvaranje blagovremeno pristiglih ponuda, o čemu je sačinila odgovarajući zapisnik u kojem je konstatovala da su dostavljene i zaprimljene dvije ponude. Komisija je uvidom u dokumentaciju dostavljenu uz ponude ponuđača „NEDIX PROM“ d.o.o Srebrenik broj protokola:05-01/01-61/26 od 03.03.2026. godine i „DEFTER“ d.o.o. Sarajevo broj protokola: 05-01/01-68/26 od 09.03.2026. godine utvrdila da su oba ponuđača dostavila svu traženu dokumentaciju iz Tenderske dokumentacije za kvalifikaciju, te je pristupila provjeri računske greške. Komisija je utvrdila da su u obrascu za cijenu ponude Aneks 3.ponuđača „NEDIX PROM“ d.o.o Srebrenik načinjene računske greške i to:

- U rubrici „ukupna cijena bez PDV-a“ umjesto 35.000,00 KM treba da stoji 35.100,00 KM,
- U rubrici „PDV-a“ umjesto 5.950,00 KM treba da stoji 5.967,00 KM,
- U rubrici „ukupna cijena sa popustom i PDV-om“ umjesto 40.950,00 KM treba da stoji 41.067,00 KM

Komisija za nabavke Ministarstva unutrašnjih poslova Unsko-sanskog kantona je uputila zahtjev za prihvatanje ispravke računske greške broj:05-01/01-11-284/26 od 10.03.2026. ponuđaču „NEDIX PROM“ d.o.o Srebrenik. Na predmetni dopis ponuđač „NEDIX PROM“ d.o.o Srebrenik je dostavio pisanu saglasnost za ispravku računske greške (aktom broj:69/26 od 10.03.2026. godine) te je Komisija uvidom u istu utvrdila da ponuđena cijena ponude ponuđača „NEDIX PROM“ d.o.o Srebrenik iznosi 35.100,00 KM, a što prelazi planirana, odnosno osigurana novčana sredstva ugovornog organa za predmetnu nabavku u iznosu od 100,00 KM. Planirana sredstva u Tenderskoj dokumentaciji i u Odluci o pokretanju postupka broj:05-05/01-11-284/26 od 12.02.2026. godine iznose do 35.000,00 KM.

Komisija je utvrdila da je ponuda ponuđača „NEDIX PROM“ d.o.o Srebrenik broj protokola: 05-01/01-61/26 od 03.03.2026. godine **neprihvatljiva**, jer ista nakon dostavljanja saglasnosti za

ispravku računске greške za 100, 00 KM prelazi planirana odnosno osigurana novčana sredstva od strane ugovornog organa u iznosu do 35.000,00 KM.

Komisija je nakon izvršene analize zaprimljene ponude ponuđača „DEFTER“ d.o.o. Sarajevo utvrdila da je ista kompletna, da nema računskih grešaka i da ispunjava tražene uslove u tenderskoj dokumentaciji za kvalifikaciju u navedenom postupku javne nabavke, te sačinila spisak kvalifikovanih ponuđača sa ponuđenom cijenom od 34.862,60 KM bez PDV-a.

Komisija je utvrdila da je samo ponuda ponuđača „DEFTER“ d.o.o. Sarajevo broj protokola:05-01/01-68/26 od 09.03.2026. godine prihvatljiva ponuda u predmetnom postupku javne nabavke i iznosi 34.862,60 KM bez PDV-a.

Budući da je zaprimljena samo jedna prihvatljiva ponuda, Komisija nije mogla pristupiti zakazivanju E-aukcije, te je dala Preporuku Ugovornom organu da se sklopi Ugovor sa ponuđačem „DEFTER“ d.o.o. Sarajevo.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz Tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i Tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama BiH („Službeni glasnik BiH”, broj 39/14, 59/22 i 50/24) i člana 24. Zakona o unutrašnjim poslovima Unsko-sanskog kantona („Službeni glasnik USK”, broj 13/16, 16/17 i 8/24), odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



Dostaviti:

- Ponuđaču: „DEFTER“ d.o.o Sarajevo, Gatačka br. 20. 71 000 Sarajevo
- Ponuđaču: „NEDIX PROM“ d.o.o Srebrenik, Previle bb, 75 350 Srebrenik
- Ministru

IKT za objavu na WEB stranici MUP USK

- a/a

Obrađivač, Nezić Hadžera

502.Viteške brigade br.2, 77000 Bihać, BiH, Tel: +387/37/224-224, Fax: +387/37/ 221-560

Web: www.mupusk.gov.ba, e-mail: mupusk@mupusk.gov.ba , info@mupusk.gov.ba